

tis nigris; oculis brevius pedunculatis, pedunculo recte extrorsum et levissime sursum vergente; antennis articulo primo margine apicali pronoti circiter  $\frac{1}{3}$  et articulo secundo circiter  $\frac{3}{5}$  brevior, apicem clypei haud superante; clypeo basi supra medium capitis posito. Long. formae macr. ♂ 4, ♀ 5, f. brach. ♀  $3\frac{1}{3}$  mm.

*Hab.* in Dauria (Irkut!), D. Leder (mus. Vindob.).

*Descr.*: A speciebus reliquis pedibus totis nigris mox distinctus. Caput cum oculis basi pronoti distincte latius (♀ brachypt.) vel hac paullo angustius (macropt.), vittis verticis transversalibus versus oculos dilatatis, margine inferiore styli oculorum brevissimo. Oculi obscure fusci. Rostrum piceo-nigrum. Antennae nigrae, articulo primo setis rigidis sat tenuibus. Pronotum margine laterali apicali circiter  $\frac{1}{4}$  brevior (f. brach.) vel huic aequalongo (f. macr.), basi apice circiter dimidio (f. macr.) vel  $\frac{2}{5}$  (f. brach.) latiore, disco postico transversim strigoso, basi leviter sinuato, lateribus levissime sinuatis, versus apicem longius pallido-setosis. Hemelytra explicata, membrana abdomen  $\frac{2}{5}$  (♂) vel  $\frac{1}{2}$  (♀) longitudinis superante, nigro-fusca, vel abbreviata, basin segmenti sexti dorsalis vix attingentia, membrana nulla, cuneo apice late rotundato, basi incisura externa discreto. Connexivum margine laterali apicem versus albido.

## 11. *Halticidea* Reut.

*Diagn.*: Corpus breve, formae brachypterae late obovatum, convexum; capite verticali, ab antico viso pentagonali, a latere viso altitudine magis quam duplo brevior, vertice lato, margine acuto subrecto, fronte valde convexa, loris parum compressis, genis altissimis; oculis brevibus, valde prominentibus, sat compressis, retrorsum vergentibus, angulis pronoti incumbentibus, tertiam partem basalem capitis haud superantibus; rostro brevi, crasso; antennis gracilibus, sat longe infra apicem oculorum insertis, articulo primo medium clypei paullo superante, secundo latitudine